

ostenderimus, Brutios , nec primos totius Italæ e Romanis ad Hannibalem defecisse; nec poena illa; seu potius infamia , fuisse a Romanis percussois , ut Magistribus , ad regendas Provincias euntibus , parerent , & ad infligenda supplicia delinquentibus deservirent; nec denique Auctores illos , quos Scriptor Gallus sequebatur , sibi satis in eo afferendo constare: Consequens est , quovis remoto dubio , ut Brutii minime dici debeant Christi Tortores , ut Adversarius noster intendebat. Et hac quidem ratione , contra Adversarium hunc rem nos omnino gessisse , quilibet facili negocio deprehenderet. Attamen aliis quoque Scriptoribus , qui genti nostræ non favent , aliis etiam rationibus , quibus nos percutere pertentant , occurrere oportet ; ut rem videamus omni ex parte completere , & nullum Legentibus dubium remaneat , quo hæsitent amplius ad hanc notam a nobis omnimode removendam .

Scriptores plerique in ea sunt sententia , ut constanter afferant , Gentiles natione fuisse Christi Tortores; quia Pilati erant ministri , qui Præses , a Romano Imperatore missus , Hierosolymam , totamque Judæam , gubernabat. Ulterius deinde alii progredientes , & ex vulgi quidem sensu obloquentes , dicunt , Pilatum antea Brutiorum regionem gubernasse ; ac proinde ejusdem nationis milites , quando Judææ gubernacula suscepturus discessit ex Italia , secum adduxisse . Aliis ratiunculis se quoque moveri dicunt , ut fortius tueantur Christi Tortores fuisse Gentiles , & inter Gentiles , Brutios ; quas hic nos instituimus expendere , & quam inanes , futilisque sint , ostendere .

Christi Domini verba , in cruce pendentes , nobis primo loco obrudunt; quæ fuerunt , Eli , Eli , Lamma-sabachiani ; quæ interpretatur Euanglista ; Deus meus , Deus